

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. V. Satisfit auctoritati Patrum, dum dicere videntur Deum semper
facere optimum.

urn:nbn:de:hbz:466:1-13718

XIII.
Non tenetur
voluntas
divina id
amare, quod
intellectus
judicat ma-
terialiter
optimum.

Dixi, non judicare divinum intellectum, esse Deo simpliciter melius amare unum objectum creatum, potius quam aliquid: secundum quid enim, & extensivè, ut suprà diximus, melior est per se loquendo actus, qui fertur in melius objectum, & pari semper hec inter se passu procedunt. Hoc tamen sensu non tenetur divina voluntas semper id amplecti, quod intellectus judicat esse materialiter melius, sed potest ab eo discordare; tum quia nullus est modus volendi objecta perfectiora, cum intellectus melius semper & melius objectum proponat in infinitum; tum quia, ut sèpè dictum est, multum Deo de præstantia libertatis decederet, si ad hanc vel illa moraliter necessitaretur, sed dignitas ejus & perfectio postulat, ut integrum ei sit, etiam moraliter, quodcumque objectum pro sua voluntate eligere; contrarium siquidem, esto libertatem sonet, ratione tamen verâ libertatem ejus & indifferentiam imminuit, & quasdam ei compedes injicit.

SECTIO QUARTA.

*Alia quedam argumenta contendentia,
Deum semper facere optimum.*

I.
Obj. His de-
ducta ex ob-
jectu supr-
mi artificis.

BUTIES non: Deus, non in actu primo tantum, sed etiam in actu secundo est sapientissimus artifex, ergo optima produxit: antecedens probat P. Granado ex præstantia hujus Universi, summaque rerum omnium inter se consensione & harmonia, situ denique earum & ordine aptè adeò dispositarum, ut nihil vel quoad varietatem jucundius, vel quoad splendorem magnificientius, vel quoad ornatum pulchrius cerni possit. Unde, inquit, cum Deus opera singula cōspiciens, dixisset unumquodque esse bonum, Universi tandem intuens, miramque eorum dispositionem, connexionem, & ordinem, ea dixit esse valde bona. *Vidit Deus cuncta que fecerat*, inquit Scriptura Gen. 1. vers. 31. & erant valde bona, tantus nimirum ex coniunctione cum aliis de novo singulis accessit splendor. Hoc argumentum, inductione per omnia facta, fulissime prosequitur P. Granado citatus Sect. 5. per totam.

II.
Nunquam
Deus rem
tam perfe-
ctam produ-
cit, quia
potest produ-
cere perfe-
ctiorem.

Joannes Cardinalis de Lugo Disp. illâ secundâ citata, Sect. 2. num. 31. ait Deum non posse esse sapientissimum artificem in actu secundo, cum nunquam rem tam perfectam producat, quia aliam & aliam perfectiorem producere possit in infinitum. Hanc solutionem rejicit P. Arriaga hic, Disp. 27. num. 16. afferens possibilem esse creaturam omnium nobilissimam, ac proinde Deum illam producendo, esse postea sapientissimum & perfectissimum artificem in actu secundo.

III.
Non est pos-
sibilis crea-
tura omniū
perfectissima

Quo sensu
Deus sit in
actu secundo
sapientissi-
mus artifex.

Hoc tamen P. Arriaga assertum latè impugnavi Disp. 46. Phys. Sect. 7. omnesque ab eo ad creaturam perfectissimam possibilitem atruendam, adductas rationes confutavi, probabiliusque esse ostendi implicare creaturam omnium perfectissimam: unde hoc nomine rejici nequit solutio posita, nec Deus ex parte rerum creaturarum, seu materialiter dici sapientissimus artifex, sed ex parte modi tantum, & formaliter; quatenus scilicet quicquid facit, summam sapientiam & prudentiam facit, nec aliter quam perfectissime hoc sensu operari possit. Adde, suprà Sectione secundâ oftensum esse, Deum de facto non fecisse optimum ex parte objecti materialis, sed alios mundos multò hoc perfectiores, & alia creare eum posse, quæ tamen

de facto non creavit: per quod satisfit inductioni hinc à P. Granado per res omnes facta.

Objicies decimò: Deus ex creaturâ existente, majorem vel minorem voluptatem pro labore vel minore creatura perfectione accipit: ergo producere meliora debet, alioqui voluptate illâ caret, & effet minus beatus; quod Deo repugnat. Hæc vero difficultas solùm urget in sententiâ actum liberum Dei statuente adæquatè intrinsecum; in aliâ enim sententiâ locum non habet, cum in illâ non sit ulla in Deo voluptas libera intrinseca.

Hoc argumentum, siquid probet, probat Deum, non moraliter tantum, sed etiam physicè necessitari ad Incarnationem, & ad creaturam quamque perfectissimam producendam. Respondeatur itaque, licet Deus voluptatem ex Incarnationis, aut alterius rei existentia percipiat, hanc tamen, libera cum sit, posse in Deo non esse, non physicè tantum, sed moraliter, alioqui, ut sèpè diximus, multum Deo de perfecto ejus in res externas dominio, libertatisque perfectione decederet. Quod vero dicitur, Deum non posse esse minus beatum, verum id quidem est, si loquamus de beatitudine essentiali: hæc enim tam necessaria est, quam ipse Deus: si vero sermo sit de beatitudine accidentalis, ipsum nomen *accidentale* indicat posse Deum illâ carere, cum ipso facto quid accidentialis sit, possit adesse vel absesse. Deinde, sicut (ut bene adverfit P. Arriaga hic, num. 32.) quando Deus amat se, actus ille habet eminenter omnem honestatem possibilem, qua de causa amor quem Deus habet de seipso, est aquæ perfectus intensivè ac amor Dei de se & de creaturis, unde amor Dei ut extenditur ad creaturas, solùm addit perfectionem aliquam extensivam, ita voluptas seu gaudium, Deo ex intuitione sui proveniens, eminenter modoque longè præstantiori continet gaudium omne quod ex creaturam quacumque existentia percipere potest, & hoc extensivè tantum aliquid addit, quo proinde ob libertatem perfectissimam, plenissimumque in res creatas dominium, carere potest.

SECTIO QUINTA.

Satisfit auctoritatibus Patrum, dum
dicere videntur, Deum semper
facere optimum.

REGIT undecimò P. Granado ab auctoritate: & primò ex Concilio Francoforiensi, ab Adriano Papa confirmato, in Epistola ad Episcopos Hispaniarum, in qua Epistola sic habetur: *Credamus Deum omnia velle, que meliora sunt.* Idem docere videtur S. Clemens Alexand. lib. 6. Stromatum: *Cum sit, inquit, bonus Deus, &c. prout capax erat uniuscujusque natura, factum est, S. Clemens.* & sit unumquodque ad ipsum, quod est melius proficiens. Tertiò, ad hoc probandum afferat Granado S. Cyrillum Alexan. qui lib. 2. Thesauri, cap. 1. *s. Cyril.* sic habet: *Quia & omnia Pater potest, & meliora semper vult, consubstantialis filii ex Deo nascitur Filius.* Hoc ipsum docere videtur S. Basilius Homilia 9. ex variis: *Vnum quidem hoc, inquit, habere in membris nostris presumptum oportet, quod nibil eorum que nobis accidunt, malum sit, aut tale, ut melius illo aliquid excogitare queamus.* Denique, ut alios omittam, his Patrum dictis consonat S. Damascenus lib. 2. Orthod. fidei, cap. 29. initio: *Omnia:*

S. Damasco-nus.
S. Gregorius Nyssenus.

IL
Satisfit ta-
timonius
Patrum,
quibus di-
cere viden-
tur, Deum
semper fa-
cere opti-
mum.

Omnia, inquit, que Dei providentia sunt, pulcherrime ac divinissime fieri necesse est, atque ita denique, ut meliori modo existere prorsus nequeant. Idem habet S. Gregor. Nyssenus, & alii. Ex quibus confici putat Granado, unam Patrum omnium vocem esse, Deum semper facere optimum.

III.
Explicantur
se illorum
dicta Patrum,
& eorum
mens decla-
ratur.

*Deus omnia
eiquale facit
Bonitate &
Sapientia.*

Rspondetur itaque primò, mentem horum Patrum non esse, Deum semper facere quod rebus creatis secundum se melius & convenientius est, sed rectissimum ipsum, & sine ullâ inordinatione ex parte Sapientiae & Bonitatis suæ, omnia fecisse, ita ut nihil ipsi in operandi modo desit, quo minus prudentissimè cuncta ordinet, & in Ius quæque linc perfectissimè disponat. Quod inter alios clare indicare videtur S. Damascenus loco num. 6. citato, dum ait, cuncta que Dei providentia sunt, pulcherrime ac divinissime fieri. Quare sicut omnia vera, sunt æqualiter vera, quia excludunt omnem falsitatem; sic quicquid facit Deus, fit æquali Bonitate & Sapientia, quia excludit omnem inordinationem & defectum. Quod vero Deus rem omnem æquali semper faciat Bonitate & Sapientia est manifestum, Bonitas enim ejus & Sapientia, per quam operatur, est absolutè & simpliciter infinita. Quam solutionem tradit S. Thomas hic, q. 25. a. 6. ad primum.

IV.
Quo sensu
Deus faciat
optimum ex
parte ob-
jecti.

*Deus res om-
nes secundum
cuiusque
exigentiam
produxit.*

*Hinc respondeatur secundò, Deum etiam ex parte objecti in aliquo vero sensu secundum dicta Patrum, omnia facere optima: quamvis enim unum objectum sit melius alio, ut Angelus hominem, aquila mure vel arenulam, sicut tamen Deus ex parte Bonitatis ac Sapientiae suæ omnia æquali perfectione efficit, infinitè scilicet rectitudine, & omnem à Deo excludente defectum, ita ex parte etiam objectorum à Deo creatorum, omnia sunt optima, & hoc sensu æqualiter perfecta, res quæcumque scilicet secundum regulas artis & naturæ sua exigentiam exactè facta, & nullum patiens defectum, nihilque in se inordinati contineat aut indecori, juxta illud Genesim 1, fine: *Viditq. Deus cum ea que fecerat, & erant valde bona.* Et hoc etiam sensu dicunt Patres, Deum facere optimum, omnia scilicet ordinatè, & ad finem quem sibi in operando præfigit, imprimis appositum.*

V.
Deus non in
finetionem,
sed etiam in
medietate, non
teneat ad
eligidum
optimum.

*Id tamen notaverim, licet Deus secundum per-
fectionem finis quem sibi efficaciter proponit,
teneat non moraliter tantum, sed etiam physicè
ad media aliqua, finis illius adceptioni propor-
tionata eligenda, ubi tamen plura & inæqualia sunt
media ad finem consequendum idonea, non tene-
tur Deus, ne quidem moraliter, ad medium optimum eligidum, sed integrum ei est quocunque velit, affumere: id enim ut supra vidimus, Dei libertas, id plenum in res omnes dominium pos-
tulat, nihilque est, quod hanc ei moralem neces-
sitatem imponat.*

R. P. Comptoni Theol. Scholast. Tom. I.

Quia verò Pater Granado peculiariter urget auctoritatē S. Augustini, illius mens hac in re accuratius est indaganda. Tria autem pricipue assert eis testimoniū: Primum Tom. i. libro de Quantitate anima, cap. 33: ubi ait, *Institutio summi Dei factum est, ut non modo sint omnia, sed etiam sic per facere sint, ut omnino melius esse non posse.* Secundum optimum, defumitur ex libro tertio de Libero arbitrio, c. 5. *Quicquid, inquit, verà ratione tibi melius occurrit, hoc scias fecisse Deum, tanquam bonorum omnium conditoris.* Tertium habetur Tom. 6. libro primo contra adversarium Legis & Prophet. cap. 14. *Isque adeo despiciendum est, inquit, ut homo videat melius aliquid fieri debuisse, & Deum credat facere noluisse.*

Verum, sicut supra de aliis Patribus, ita nunc de S. Augustino assero, si eo sensu loquatur, quo Joquī eum volunt adversarii, eius testimonia ab ipsis etiam explicari debere: sanctus quippe Doctor capite illo quinto, libri 3. de Libero arbitrio, ex eo quod cœlum sit melius & nobilius terreni, aut creature rationalis, quæ nunquam peccaverat, alia creaturæ quæ in peccatum ficerat collapsa, probat creature hasce produci debuisse; ac proinde, etiam in his rebus datur processus in infinitum, coptendit Deum semper producere optimum, quod tamen ipsi negant.

Primo ergo loco, nempe de quantitate anima, non omnino loquitur S. Augustinus de presenti controversia, ut legenti patebit, sed solummodo contredit, debere unumquemque mori potius, quam peccatum aliquod committere: quod quamvis difficile videatur, Deus tamen, inquit, media optima ex sua æqualitate providit, gratiam scilicet & merita Christi, quibus nihil melius, nihil ad hoc efficacius dari potest. Hic ergo solum loquitur S. Doctor secundum subjectam materiam, in serie scilicet gratia, quæ optimè est instituta; in eā quippe est Incarnatione, & merita Christi, & per hanc, media ad vitanda peccata, & bona opera exercenda, uberrimè in nos derivata. Hinc tamen perperam quis intulerit, non potuisse Deum non creare mundum, sed ad hoc moraliter fuisse necessitate compulsum. Ad tertium vero locum dico, S. Augustinum solum loqui conditionatè, nempe si Deus aliquid facere debuerit, id eum fecisse: hinc tamen non sequitur, illum asserere, Deum quidquam omnino facere debuisse.

Ad secundum denique locum ex capite quinto, libri tertii de Libero arbitrio defumptum, dico, Expenditur mentem S. Augustini tantum esse, Deum convenerintissimè, & sine omni malitia, defective, aut Bonitatis aut Sapientiae operari. Disputat quippe ibi contra Manichæos, qui Deum calumniabantur, meliusque eum & sapientiam facturum fuisse asserabant, si creature illas non fecisset, quas sciebat aliquando peccaturas: S. Augustinus vero contra eos contendit, Deum hac etiam in parte, optimè & sapientissimè fecisse, & sine omni vel Bonitatis, vel Sapientiae defectu.

Et quamvis, ut supra num. 7. adverte, dicere videatur, ex eo quod Deus faciat optimum, debere nos credere eum condidisse cœlum, & creaturam quæ in nullum unquam peccatum incidisset, gaudiū, de loquitur solum conditionatè, id est, si Manichæi ostenderint hoc melius esse, hoc est, magis secundum dictam prudentiæ, bonitatisque ac sapientiæ regulas, Deum id fecisse, non tamen debuisse facere absolutè, & ratione objecti, alioqui, ut loco citato notavi, Deus teneretur ad optimum in iis etiam rebus, in quibus datur processus in infinitum.

VI.
*Diitla quædā
S. Augustini,
quibus affe-
runtur videtur
Deum sem-*

*Hee S. Au-
gustini testi-
monia ab
ipsis adver-
sarii sunt
explicanda.*

VII.
*Declaratio
primi & ter-
tii testimo-
niis S. Augu-
stini supra
alii.*

*Series Legis
gratia opti-
mè est insti-
tuta.*

X.
*Quo sensu
dicat S. Au-
gustini, de
busse Deum
creare ex-
lum.*

XL.
Apponuntur
quædam cir-
ca mentem
S. Thomæ.

Tandem objicit S. Thomam variis locis, ad quæ tamen suprà responsum est, ubi ostendi, S. Thomam non omnino prædictæ sententiæ favere. Unum tantum explicandum restat sancti Doctoris testimonium, i. part. quæst. 47. art. 2. ad 1. ubi si habet: *Dicendum, quod optimi agentis est pro-
ducere totum effectum suum optimum, non tamen quod
quamlibet partem totius faciat optimam simpliciter, sed
optimam secundum proportionem ad totum.* Sed hic etiam locus non urget; solum enim contendit S. Thomas, optimum articulare, si juxta regulas artis procedere velit, proportionem potius & varietatem partium in ordine ad totum spectare debere, quam partium in se perfectionem. *Sic, in-
quit S. Thomas, tolleretur bonitas animalis, si quel-
libet pars ejus, oculi haberet dignitatem.* Sic etiam non adeò pulchrum & speciosum esset hoc Universum, si animalia omnia in eo contenta, essent aquilæ,

*Totius, non
singularum
partiæ per-
ficio, pra-
eipud ab ar-
tifice spe-
cianda.*

leones, aut elephanti, nec alia in eo forent arbores præter cedros; reliquæ siquidem arbores, & animalia multum ad Universi ornatum ac splendorem deserviunt.

Nontamen hic, aut usquam alibi dicit S. Thomas, Deum necessarii moraliter ad regulas optimæ proportionis in omni opificio servandas: quod etiam totâ hac Disputatione ostendimus; sed sicut integrum plenè ei est, hanc vel illam creaturam producere vel non producere, mundum condere, vel non condere, ita hoc vel illo modo eum condere, & secundum hunc vel illum perfectionis gradum. Nec est quod inquireat quicquam, cur tali, vel tali ratione Universum crevit; id enim ut præstare queat, summa ejus dignitas & libertas postulat, id perfectissimum dominium, utpote qui rerum omnium supremus Moderator est & Arbitrus: *Sicut pro ratione voluntas.*

DISPUTATIO XXXIII.

*Quomodo cum voluntate Dei efficaci stet nostra libertas:
maxime cum voluntate præfinitivâ.*

I.
*Libertas no-
stra non ma-
gis à volun-
tate Divina
ludit, quâ
à Scientia,*



UPRA, Disputatione vigesima-
quartâ, Sectione decimâ, & unde-
cimâ, ostendi divinam Scientiam
nostræ libertati non officere: quan-
tumvis namque actus nostros tem-
pore antecedat, utpote aeterna, eos tamen ratio-
ne, aut etiam quodammodo naturâ subsequitur,
nec ideo sunt futuri quia Deus illos novit esse
futuros, sed è contra, ideo Deus futuros esse no-
vit, quia sunt futuri, ut latius ostendi Sectione
illâ decimâ, num, quarto, quinto & sexto. Tan-
tundem ergo ostendendum de divinâ Volun-
tate.

II.
*Potest Deus,
voluntatem
nostram ad
operandum
necessitare.*

In primis certum est, posse Deum voluntatem
creatura rationalis ad operandum necessitare,
ejusque in agendo indifferentiam tollere; et si enim
de facto ita eam regat, siuimque ad actus omnes
nostros concursum ita attemperat, ut vim nobis
non inferat, sed indolem fœret libertatem no-
stram, resque omnes juxta propriam cujusque
naturam administret; si tamen liberet, necessita-
re voluntatem nostram posset, actus scilicet ejus
ita purè antecedenter volendo, ut refragari om-
nino non possimus, sicque indifferentiam nobis
in agendo, libertatemque eripere.

III.
*Deus nostræ
in operando
libertatem
non infrin-
git.*

Hoc, inquam, etiamsi facere possit Deus, ut-
pote supremus rerum omnium Moderator, ple-
numque in voluntatem nostram obtinens domi-
nium, hac tamen suâ potestate non utitur; at na-
turâ liberi cum simus, nostram in agendo indif-
ferentiam non infringit, sed nos nobis relinquit,
liberumque operandi modum tuerit ac promovet,
& creaturam rationalem rationali viâ ac mo-
re gubernat.

IV.
*Deus con-
cursu gene-
rali, homi-
num liber-
tatem non
ludit, sed
perficit.*

Tres tantum excogitari casus possunt, in qui-
bus non nemini fortassis videatur, Deum nece-
ssitatem nobis in agendo imponere: primò in
concurso generali, qui aliud nihil est, quâm vo-
litio divina, quâ nobiscum ad operations omnes

nostras concurrere statuit, & citram quam, nullum
omnino exercere actum valemus. Hac tamen suâ
voluntate Deus, nullam nobis infert in operando
violentiam, nec quidquam de libertate minuit.
Ita nimur dat posse, ut velle nobis relinquat,
& stante etiam hac Dei voluntate, integrum cui-
que est, in quacunque se velit partem, inflecte-
re, & vel operari, vel operationem omittere. *Quatuor su-
concursu
generali,
quo Deu-
sus in
una cho-
raria
concurrit.*

Secundò existimare quis posset, cum, ut Dis-
putatione trigesimâ Physic. ostendi, determinatio
ad individuationem refundi necessariò debeat in
Causam Primam, seu actum aliquem voluntatis
divinæ, per quem Deus causas applicat ad agen-
dum: existimare, inquam, quis posset hanc Dei
voluntatem ita hominem vel Angelum ad ope-
randum determinare, ut omnem eorum in agen-
do indeterminationem & indifferentiam tollat:
Secus tamen res se habet; Deus namque hac vo-
luntate non absolutè vult, ut quis operetur,
sed casu quo operetur, ut hunc tantum numero
actum eliciat ex innumeris qui hoc instantे sunt
possibles.

Deus ergo, quamvis semper voluntati create
concursum in actu primo ad amorem & odium,
volendum & nolendum aliquod objectum paret, ad
unicum

V.
*Deus deter-
minans in
indiffer-
tione, ke-
minus in
faciem pos-
sedit.*

VI.
*Modus quo
Deus deter-
minat ad
individua-
tionem de-
claratur.*